

Transkription von Urkunde HST 1370a

Ort, Datierung: Stralsund, 1370-10-05

Signatur: Stadtarchiv Hansestadt Stralsund, Dep. Der Gewand. HSR Privilegienbuch [\[online\]](#)

Inhalt: Rat der Stadt Stralsund: Gewandschneiderrecht

Na der bort godes / dretteyn hundert / iar , in deme seuen/tighesten iare des son/auendes vor sunte
dyn/nies daghe . so heft de / Rat to dem Sunde den / wantsnideren dar sul/ues ghe gheuen vnde /
gheghunt desser rehti/cheyt vn(de) vryheyt de / hir na bescreuen steyth / To dem ersten male . / dat
nen gast wedder gast / kopen schal edder ver/kopen groue lakene by iij / marc suluers Vortm(er) / so
schal nyn ma(nd) . he sy / borgher edder gast / groue lakene kopen /de he wedder vercopen / wil . se
en hebbe(n) erst op / dem wanthus ghestan / in den dridden dach yo/doch so mach en iewelk /
borgher bynne(n) den sul/uen dren daghe(n) vorbe/nomet kopen groue / lakene to syner eghe/nen
vn(de) sines ghesindes / notroft vnde behuf / vnde nicht wedder to / vercopende by der py/ne
vorbenomed . . - / Ok en scholen de ghel/te in den husen nicht / vercopen . men se scho/len de
sulue(n) lakene / bringhe(n) op dat want/hus to vercopende . . . / Vortmer so schal nyma(n) / snyden
want by elen to / vercopende he en heb/be der wantsnidere / ku(m)penye / Vortmer so schal nyn /
scroder edder scherer / grof want kopen mit / der gheste ghelde , edder / dar de gheste mede an/deyl
vn(de) part ane heb/ben by dren marken suluers / Ok en scolen de enghel/schen va(n) erem wände /
nyne stuue(n) maken // to verkopende anders / wen also se dat want / hir in de stat bringhe(n) / Alle
desse stücke de hir / vore screue(n) syn Vnde / en yewelik by syk scal / men holden by dren / mark
suluers